

壽櫟廬儀禮大固

儀不夷固敘

五種究耐癯。所薦立謂耐。惠原兆。爰人猷。景嚮芒人。
雖肌肉筋骨止親。裕恩束固。廼據而立。下些厝。可父。
子兄弟夫婦。皆臣朋交。膺居豫茅局。已節。攸癢驛者。
弇脂察。倣福三三。而五。如筭如器。咫握。臣天耐。假垓。
耐甲。人耐放尊卑。与世。自黃帝。麻日月。依鬼神。託吉。
馬。說。从難。从。侯象伏物。託。从馬。振五。天服。蜚尤。託軍。
馬。玄坐。監輯諸侯。禹巡合符。託賓馬。男女閭交。而合。

夫婦兼設儷皮託嘉焉坐唐典在伯夸漸周勺賀損
益宗伯尸止益周公宏例函三王獵六代上牽九皇
故飲止育玄酒會止育大羹衣服止育市鞮視止昭
律先矩芑秦任刑法止教弗章未稔刑法止相學辱
止教耳失止而姑止罰匪權止相直會止賀館在經
楔馬止足欲倍止程刻龜止背欲盡止靈故就屢綦
者不問滕鼓鍛鑪者不問蒸箴止自成矢逸登焉止
老子韓非皆止家司馬遷合傳兼皆原本酌應止意

古人未嘗一日怠誘斯民而內以謝惠也漢興永孫
通州具朝儀多襲秦故些魯士羞也文景以盛科可
改作青惠老言不爽刀試肆底三十九篇奄佚无
師迨孝明詔議制略成漢儀其盛因也辟壑二千
餘率相吊或頗殖革皆漢典也今述十七篇高坐生
所授校合古文淵茂奧博周京舊金匪靈句讀萬魂
敷設達達寄焉漢儒命曰士也而公會大夫聘觀列
刀中班固曰上推天子兼病固非服鍊也體者不与

護其大要。抑士起。迭効變。旨畛文。嫌則異。以不嫌
而同。以趣別等。威而己言。以激厲震。震然大足。弗庶
也。十七篇。簡矣。吉凶賓嘉。具唯軍。亦闕然。賓而應。凶
而證。視以題。衆通可已。姬胡空純。著之云。尔。漢鄭玄
注。府。扇寤。婁凶。藉吾李諺。寫吾范滕。衆氏誦肆。專業
也。孰知固則穢。洛何聞何聽。軫諒。孰不墮井。磨不湊
燐。壯魄騰。燒黃神。孤蔽昆來。帖人情。袒對。惠止。啓子
。卒冠裳。帝具衛民物。則英書。助贊高裁。猷。晞才不終。

寶世

光緒二十有五年夏卯月界上英飲

壽櫟廬儀禮真固目錄

士冠禮第一篇

士昏禮第二篇

士相見禮第三篇

鄉飲酒禮第四篇

鄉射禮第五篇

燕禮第六篇

大射儀第七篇

聘禮第八篇

公食大夫禮第九篇

覲禮第十篇

喪服第十一篇

士喪禮第十二篇

既夕禮第十三篇

士虞禮第十四篇

特性饋食禮第十五篇

少牢饋食禮第十六篇

有司徹第十七篇

壽櫟廬儀禮與固目錄終

壽櫟廬儀禮夾固卷一

壽櫟廬叢書之一

名山吳之英典

士冠禮第一篇 禮行始士子得從父故題士古者八歲以下爲幼八歲至十九爲童二十加冠齒之成人故有冠禮於五禮屬嘉儀傳禮者大戴德小戴聖篇次失居劉向校而正之鄭玄註有取焉今據二戴劉鄭皆第一篇

士冠禮筮於廟門 揲著成卦曰筮有巫更巫式巫目巫易巫比巫祠巫參巫環九名據連山歸藏周易蔽之以辨吉凶大事先筮後卜小事筮神將假物爲靈故筮於廟標稟命於神非正冠日故於門

主人玄冠朝服緇帶素韠卽位於門東西面 主人冠者父

黑赤爲玄吉服名冠尊首服朝服玄帛衣白布裳目朝服別玄端緇黑色帶大帶韠佩革帶以蔽前治皮爲之一名韠赤者謂之韠韠白緇緇爲素通作白地目凡服衣同冠色韠同裳色門東西面鄉筮爲位

有司如主人服卽位於西方東面北上 有司謂宗人贊者宰與擯及冠曰執事之等簡族戚隸徒爲之亦自有尊卑卽位西方在旅占西東面面所事北上以次而南

筮與席所卦者具饌於西塾 筮筴之總名席筵也所卦者若墨若木饌次之具饌待設門側之堂謂之塾於西近筮目饌所實先饌

布席於門中闔西闕外西面 席待卽位而后布布席則筮

與所卦秩設於門中舉中以表東西闌門楹謂之楹闌門限謂之楹西面神位在右古文闌爲槩闌爲槩

筮人執筴抽上韝兼執之進受命於主人士無筮人習筮事假之名筴著在韝之稱韝革器上冒下盛抽上見著標所事兼執者左筴右上韝顯不擊亦不釋進受命由有司東北少前

宰自右少退贊命宰承主人治事仿名之凡贊幣自左詔辭自右右主人北少退辟正北命辭若曰來日某某將加布於某之首假爾泰誓有常

筮人許諾右還卽席坐西面卦者在左許諾速命右還北折坐筮簡於禮爲不述命西面鄉神位卦者在左辟筮

卒筮書卦執以示主人主人受眊反之 卒筮十八變成卦
書卦卦者執筮人示主人使知卦體反之將旅占

筮人還東面旅占卒進告吉 還退東面左還得卦畢易位
更事主人當聞占詞旅占者陳易說廣卦詎不由神進告
亦筮人古文旅作臚

若不吉則筮還日如初儀 言若者不必一筮得吉因舉筮
例旬之外曰遠某日中甸下旬可嗣筮卜筮不過三月止
三旬也若不吉他日易月而筮冠有年限不遂廢禮

徹筮席宗人告事畢 徹取藏之筮姦所卦者筮席徹敘宗
人以相禮儼名告事畢示退節

主人戒賓賓禮辭許主人再拜賓答拜主人退賓拜送 親

友宜與禮者筮吉則戒有戒詞不言服仍筮服禮辭一辭許稱許詞主人再拜謝賓許拜送主人不顧成戒禮起主人至門時賓固出門左再拜主人答拜

前期三日筮賓如求日之儀先戒後筮就所戒中擇筮如求日儀如其服

乃宿賓賓如主人服出門左西面再拜主人東面答拜乃宿賓賓許主人再拜賓答拜主人退賓拜送速賓曰宿乃遲事詞爲後於戒筮得正賓特宿告吉如主人服主人仍筮賓服門左西面賓爲主人東面答拜主人爲賓凡賓至門主人出先拜拜辱也乃宿者於是舉宿詞賓不禮辭筮不可辭

宿贊冠者一人亦如之。贊冠不筮，眠賓所親習者宿之。
厥明夕爲期於廟門之外，主人立於門東，兄弟在其南，少退。
西面北上，有司皆如宿服，立於西方，東面北上。厥猶其厥，
明宿後之朝，日昃謂之夕，月半見也。兄弟主黨少退，辟正。
主有司如宿服，起兄弟如主人，皆如宿服。

擯者請期，宰告曰：「質明，行事告兄弟及有司，告事畢。」傳主
命相禮曰：「擯期。」寇時，質明猶大昕，爲期鄉夕，故告以後日。
正明，告兄弟及有司，擯者鄉東西位，告事畢，宗人鄉主人。
擯者告期於賓之家，再舉擯者爲戒，宿皆主人，事嫌親，告
期於賓家，貶贊冠者。

夙興，設洗，直於東榮，南北以堂深水，在洗東。夙興蚤作，將

命有司供事。洗承滌器，直正榮屋相角。東榮東西節以堂深，南北節堂上度以筵，筵九尺，尊卑異數。洗在庭，據堂爲適事。水盛於罍，在洗東，宜盥水。

陳服於房中西墻下，東傾北上。陳服豫事，不目冠，當執以待加房。西房房牆謂之墻，東房無西墻，爲始冠當就客位。東傾於取宜，北上，南玄端，次皮弁。爵弁在皮弁北。

爵弁服纁裳純衣緇帶黹韠。先爵弁，因北上爲敘，稱爵。周士受命有爵，絳色三入爲纁，下裙曰常。裳或體字。先裳後衣，標純袞裳，全絲爲純，因有絲麻合之紃，故別稱純。明爵弁尊，所以束衣曰帶。束裳曰革帶。凡佩屬焉，揜於衣，無異制。稱帶皆大帶也。練用緇，黹韠謂之纁，赤色韠，纁裳故黹。

韠今文纁通作熏。

皮弁服素積緇帶素韠。皮弁素服素積古緇帛名辟理爲

文通於布不目衣裳同質素韠因裳色。

玄端玄裳黃裳襍裳可也緇帶爵韠。玄端正玄服不稱緇

布冠服可玄冠玄端正服玄裳黃中色襍四旁色相間帶
不易士唯緇韠無黃尤不容襍故用爵爵淺玄古用器多

淺玄取在文質間。

緇布冠缺項青組纁屬於缺緇纁廣終幅長六尺皮弁弁爵
弁弁緇組紃纁邊同篋。纁纁弁紃據服次爲實在篋之次

由南而北項謂當後頸處缺爲屬纁因屬纁見冠制組小

緇纁組端緒屬貫缺旁穿用結固冠無弁之制纁約髮藉

冠布九府法匹四丈幅二尺二寸布帛同長六尺于圍宜
筭簪導器組耑辨成曰紃取別緇布冠纓組纁邊中緇旁
纁篋橢方竹器同以物質微皆贊冠者所事

櫛實於簪蒲筵二在南櫛理髮具簪竹圓器蒲水草筵席
織蒲謂之蒲筵二二冠一醴在南綜爲目事之敘篋在服
南簪在篋南筵在簪南

側尊一甒醴在服北有篋實勺解角栖脯醢南上側偏尊
置酒側尊偏西甒酒器一甒醴無玄酒酒不沛曰醴在服
北次以事似篋而淺闊曰篋勺挹酒具酒器容三升曰解
栖取食匙爲以木用角取滑澤脯漬肉醢醢調醬南上與
服背陳篋在甒北古文甒通作廡

爵弁皮弁緇布冠各一匱執以待於西站南南面東上賓升則東面爵弁次冕以頂拱名弁士尊服先爵弁自東數皮弁熟治素皮爲之緇布冠切頂圓形匱簍竹器圓長無蓋各一匱宜敘授坳謂之站西站直階西南辟站待遲南面爲賓入見儀東上爵弁匱東近賓賓升東面則南上順賓爲授次古文匱作篡站作檐

主人玄端爵韠立於阼階下直東序西面兄弟畢袵玄立於洗東西面北上擯者玄端負東塾玄端則玄冠立阼階下就主位俟賓直東序差在洗西勻理曰袵袵玄衣裳從冠畢盥洗東西面從主人後北上齒敘擯者玄端如主人服則有司如擯者服負東塾鄉主人亦宜接賓古文袵爲均

將冠者采衣結在房中南面 采衣純以采結分髮爲髻約以組童子之飾房中西房中南面少主位今文結作紒

賓如主人服贊者玄端從之立於外門之外 戒宿皆仍筮服賓如主人服故當期亦如贊者玄端如賓服從後賓外門寢廟所共

擯者告主人迎出門左西面再拜賓答拜主人揖贊者與賓揖先入每曲揖至於廟門揖入三揖至於階三讓主人升立於序端西面賓西序東面 擯者負塾賓至則告不請事拜賓揖贊禮之差復揖賓延之賓讓故先入爲道周制宗廟左內之也入門東曲至廟北曲故曰每至廟門冠在廟三揖者入廟門主人東揖賓就西旣折而北揖進庭中又揖

信禮通義卷一
前則至階矣。讓讓升三者數之小成託盈焉。不獲命主人乃先升。升不拜至。主人不欲冒堂上禮別嫌也。立序端西面。將陪升降。敵賓也。賓西序東面對主人。辟執事位。

贊者盥於洗西。升立於房中西面。南上。主人之贊者筵於東序少北。西面。贊者兼賓贊主贊。潔面與手曰盥。卽盟升後不降。盥參賓於洗西。辟賓盥位升。自西階立房中。由賓東入西房。近所事西面。侍將冠者左。南上。主贊北。主人贊者執散役筵東序。冠於阼。據嫡子題例。少北。主人在東南。西面。順父鄉賓。古文盟通作浣。

將冠者出房南面。贊者奠纒筓櫛於筵南端。出房出西房南面。順筵右爲位。擬侍父敬賓。贊者賓贊安陳曰奠。於筵

南撤辟筵北升降位順其簞篋又南古文櫛爲節

賓揖將冠者將冠者卽筵坐贊者坐櫛設纚揖引升筵卽筵升自北方坐西面贊者賓贊坐就將冠者後櫛散結會之設纚護髮圍額周髻揜用以裹髮固冠卒則興

賓降主人降賓辭主人對賓盥卒一揖一讓升主人升復初位賓降爲盥主人降不虛立賓雖爲子禮子不當賓辭謝降對稱非禮也不敢賓盥尙潔新北面今文一皆作壹

賓筵前坐正纚興降西階一等執冠者升一等東面授賓賓右手執項左手執前進容乃祝坐如初乃冠興復位贊者卒筵前坐東面正纚達親設意等階級賓降一執冠者升一得間等冠緇布冠始加卑服漸進之誼東面左還令賓

得西面受授賓賓取諸墮右項左前於對加宜進容翔步
徐進爲容於祝宜祝規頌辭如初如正纚之坐乃冠加之
纚卒謂抱纚約組贊者始事故卒

冠者興賓揖之適房服玄端爵釋出房南面冠者興一加
畢賓揖延之西首服尊則待加餘服漬自服宜揖適西房
使易服以配冠容主人贊者相之適房降由筵末出房南
面復初位

賓揖之卽筵坐櫛設筭賓盥正纚如初降二等受皮弁右執
項左執前進祝加之如初復位贊者卒紘坐櫛設筭去纚
布冠贊者事賓盥者每加異之有筭而正纚者纚三冠所
共因正見禮再加則尊故降二等執冠者不升授亦開等

卒紱結組尚。

興寶掛之適房服素積素鞞容山房南面。容者顏色行步。
變童子之節。

賓降三等受爵弁加之服纁裳韎韐其他如加皮弁之儀。
冠者卽筵則贊坐去皮弁易笄三加彌尊故賓降三等在
庭授受不以等差易服畢仍容出房南面。

徹皮弁冠簪筵入於房。冠緇布冠皮弁冠櫛徹由賓贊筵
則主贊徹之。

筵於戶西南面。別爲醴筵不因冠筵主贊筵之戶室戶戶
西南面客位。

贊者洗於房中側酌醴加柶覆之面某。贊者賓贊洗洗觶

起房中有洗房中洗篚在南西順側酌東面非所得獻葉
柄舌覆之爲贊酌法面葉命賓得面枋古文葉爲搗

賓揖冠者就筵筵西南面賓受醴於戶東加柶面枋筵前北
面冠者筵西拜受觶賓東面答拜薦脯醢 揖就筵將禮之
筵西南面不敢升受受醴戶東贊出房西面加柶改仰之
面枋仍所受順冠者令得面葉筵前北面僂冠者正受筵
西拜南面受觶既拜進受賓答拜授觶退少西非禮主人
故東面薦脯醢主人贊者

冠者卽筵坐左執觶右祭脯醢以柶祭醴三興筵末坐啐醴
捷柶興降筵坐奠觶拜執觶興賓答拜 卽筵南面坐宜祭
左執觶右當取祭祭脯置豆間祭醴於脯右三者天地人

數又手之多列不過三，因爲禮事成數。筵末西北崑啐嘗坐啐，示埒筵成醴，捷栖植之標已啐降筵。筵西南面拜謝醴之成，執觶將進奠，賓答拜亦東面。古文啐通作呼。

冠者奠觶於薦東降筵北面坐取脯降自西階適東壁北面見于母母拜受子拜送母又拜。奠觶升筵奠以將取脯，嫌北面爲因，始將禮致謹也。於薦東未卒觶，凡奠者於左，將舉者於右，北面坐不因奠取脯爲饋母，告禮成降西階未敢由阼，適東壁夾室南，母不與禮待見於此，北面見母在北母拜受西面子拜送北面母又拜。陰數耦婦人以褒拜爲正，不以其子變。

賓降直西序東面主人降復初位。賓降堂上事畢直西序

傳禮圖卷一
東面猶有事，擬堂上位爲位。主人降，爲賓已去堂，復初位退於賓。

冠者立於西階東南面，賓字之冠者對。冠者反，賓與父已降，故進立西階東南面對堂上醴位。名所尊爲字，以成人敬其名。賓字舉字辭對，謝賓以成德厚已。

賓出，主人送於廟門外，請醴。賓賓禮辭許，賓就次。賓出，禮成於廟門外，本非送行，請醴留勞之，因側尊，故直稱醴。帷宮曰次，門西張之，就主人揖之，勞於禮宜，暫息。主人側入，豫醴事。

冠者見于兄弟，兄弟再拜。冠者答拜，見贊者，西面拜亦如之。中舉兄弟上，姪諸父中，下姪同族，見不言面，各異面贊。

者主贊舉贊者。姦有司。西面鄉其位。如之。亦先慶祝之。成人有嗣主之誼。

入見姑姊如見母。入內寢見姑姊亦見世叔母可知。以異宮同之世叔父見弟不見妹者。筭或辟事幼或無知。可簡於禮。姑姊長矣。如見母。奇拜。姑姊俠拜。

乃易服服玄冠玄端爵韠。奠摯見於君。遂以摯見於鄉大夫。鄉先生不當服爵弁出。故易正言玄冠玄端。標易緇布冠。不易玄裳。故爵韠士之子常爲士。當見君不敢投故奠。不異摯。故稱遂。因君及故見鄉大夫。請業請益。成人之德。故見鄉先生。

乃醴賓以一獻之禮。主人酬賓束帛儷皮。擯者請醴遲而

息之。故稱乃主人迎賓入，升不拜至。一獻者，主人獻賓，賓酢主人，酬賓奠而不舉，禮一終也。帛五爲束，束十端，皮耦爲儷。古以文皮爲幣，酬用幣，所以展恩私，達慰勞。古文儷爲離。

贊者皆與贊冠者爲介。贊者，主贊有贊酌投幣事，故與言皆。則有司與兄弟固與矣。贊冠者，賓贊。副賓曰介，爲介，當贊酢酌受幣起介，得獻。眾賓備得獻也。

賓出，主人送於外門外，再拜歸賓俎。賓出，贊冠者從出，外門外，成送禮。賓有俎，起獻時特隆，兼見醢與殺例，歸之，重禮。

若不醢，則醢用酒尊於房戶之間，兩甌有禁，玄酒在西，加勺。

南枋 若酌事詞醴可通施醴須具物醴稱醴酒稱醴其實
醴亦醴用酒得專名特酌致祝同意三加一醴則質一加
一醴則文舊稱天子賜服歸服於廟於是有冠醴則爲諸
侯大夫特典然通於士亦皆尊者致禮之名房東房戶室
戶房戶間變西房醴尊位兩無一玄酒一酒禁承尊器因
名箸戒玄酒清水存古道不爲酌玄酒西酒在東南枋賓
酌北面

洗有篚在西南順 洗庭洗篚以盛爵言有因醴篚不從庭
洗解在房故南順編陳

始加醴用脯醢賓降取爵於篚辭降如初卒洗升酌冠者拜
受賓答拜如初 始加緇布冠用脯醢三醴所同卽醴節之

爲文賓降在冠者易服出房後賓揖之就筵乃降取爵尊於觴辭降辭主人如初如醴冠賓降盥時升酌賓自酌卒酌筵前北面舉醴辭如初如答醴觴之拜主贊於此薦邊豆

冠者升筵坐左執爵右祭脯醢祭酒興筵末坐啐酒降筵拜賓答拜冠者奠爵於薦東立於筵西祭酒一祭漉之立筵西待賓揖就冠筵

徹薦爵筵尊不徹冠者降筵則贊者之徹節必徹者更端則變其時用以昭敬筵尊不徹有常體者不可變

加皮弁如初儀再醴攝酒其他皆如初初謂醴冠再加攝者勺之巾之其他通目醴事初始醴今文攝通作盥

加爵弁如初儀三醢有乾肉折俎嗜之其他如初北面取脯見於母初儀體冠三加儀所以載牲體曰俎既薦則進主贊載而升賓贊設之有醢所特有乾肉腊肉味厚箸不殺之醢折折骨體嗜起祭後有嗜與祭皆特割嗜至齒取脯三醢所同體之正不取俎辟其隆見母還皆如初

若殺則特豚載合升離肺實於鼎設屬鼐言若不以必殺爲禮特豚特牲載載俎時合合全體盛於折升自鼎升離肺割不殊宜祭齊所以陳饌實曰鼎屬關屬器屬冒鼎器設使常溫謂父爲主而殺者羹飪後實鼎陳阼階前今文屬通作鉉古文鼎通作密

始醢如初始醢始加之醢如初如不殺之薦

再醢兩豆葵菹羸醢兩邊栗脯 葵水草菹酢菜醢和者羸
蜺蜎醢肉醬皆饋食之豆栗木實栗脯皆加邊之實舉其
降於初醢今文羸爲蜎

三醢攝酒如再醢加俎噉之皆如初噉肺 再醢不殺之再
醢攝酒如之起殺之再醢已攝兩豆兩邊外有俎故爲加
如初如折俎之噉皆兼降拜奠節周祭肺俎所尙振祭則
噉之以特殺備禮

卒醢取邊肺以降如初 取邊肺如醢冠不殺之取如初如
禮冠

若孤子則父兄戒宿 孤子當室孤子父主冠爲常言若通
其變舉戒宿姦筮日筮賓爲期父諸父兄諸兄亦玄冠朝

服則者託尊命焉。

冠之日主人結而迎賓拜揖讓立於序端皆如冠主禮於阼。凡拜北面於阼階上賓亦北面於西階上答拜。戒宿以父兄冠日自爲主者先稟尊命爲辟速成冠有專階嫌爲人後結而迎賓標攝禮立序端猶不拜至不敵賓待賓揖而後就筵偕賓升降故皆如冠主禮兼冠醴則醴亦於阼無爲主不自賓舊說凡非公侯而自爲主者其受醴醴也降自西階還立於阼階下西面阼更無主故拜得專階北面賓亦不更東面其醴賓當醴位然則父獻賓筵於西階上東面也酬幣送賓歸俎一如冠主。

若殺則舉鼎陳於門外直東塾北面復言孤子特殺之節。

賓未至時由內饌實鼎及事而舉陳門外廟門外得陳鼎門外者爲己爲賓無所厭入亦設阼階前醯醢不陳於外父厭子爲子禮賓亦不欲過隆

若庶子則冠於房外南面遂醮焉庶子亦自爲主故文次孤子房外西房外南面出立位就而冠不更筵遂因事詞因冠位爲醮位則醮亦如之皆爲辟嫡

冠者母不在則使人受脯於西階下不在不在東壁或老病或沒使人受脯有司受之以東

戒賓曰某有子某將加布於其首願吾子之教之也賓對曰某不敏恐不能共事以病吾子敢辭主人曰某猶願吾子之終教之也賓對曰吾子重有命某敢不從某父名某將冠

者名言加布謙也教者教以成人之義三加之辭皆最以德是也某賓名敏捷共敬病患也答從重命所謂禮辭而許古文病作秉

宿曰某將加布於某之首吾子將蒞之敢宿賓對曰某敢不夙興不更言子某戒時已知之茲猶治也夙興謂趨事今文無對

始加祝曰令月吉日始加元服棄爾幼志順爾成德壽考維祺介爾景福善願曰祝令祥元大也冠尊故大之爾謂冠者始加易結故勉以棄幼志順序祺吉介右景明也

再加曰吉月令辰乃中爾服敬爾威儀淑慎爾德眉壽萬年永受胡福辰時申賀威儀禮度再加則容進以敬威儀淑

大眉豪眉壽者多長眉萬年極祝意永遠胡崇也古文眉作麤

三加曰以歲之正以月之令咸加爾服兄弟具在以成厥德黃耆無疆受天之慶歲正夏朔三代所通用咸備也兄弟兼主黨賓黨具在同此願祝黃胃氣潤色耆句偃僂亦壽形但舉成德頌其休應三加已尊

醴辭曰甘醴維厚嘉薦令芳拜受祭之以定爾祥承天之休壽考不忘甘和厚醲嘉美薦脯醢芳苾醴厚薦芳人所爲地之利實天之休當敬受答祭之也定祥安儀不忘不忘定祥

醴辭曰旨酒既清嘉薦亶時始加元服兄弟具來孝友時格

永乃保之 旨美也醺用酒涕之故清亶誠時和也初醺故稱始加格懷也兄弟之備來唯孝友是感懷之保保孝友今文格爲嘏

再醺曰旨酒既滑嘉薦伊脯乃申爾服禮儀有序祭此嘉爵承天之祐 渭菑亦清意伊繁語緩詞脯邊脯謂初薦再醺之薦加兩豆兩邊舉脯者薦之正再醺故稱申服祐祿也三醺曰旨酒令芳邊豆有楚咸加爾服肴升折俎承天之慶受福無疆 卒醺故曰咸加楚饌列貌稱折俎據不殺爲正字辭曰禮儀既備令月吉日昭告爾字爰字孔嘉髦士攸宜宜之于假永受保之曰伯某甫仲叔季唯其所當 既備冠且醺再美日月辭例猶加時祝辭更耑則稱慶得天祐昭

顯爰於孔大髦茂假嘉也受受此字保保休假伯長舉長
爲例某健字副名以配伯不犯同族甫大誼如伯用代伯
仲中也次伯叔小也次仲弱者謂之季唯所當各直次若
多者質家積仲文家積叔

屨夏用葛稱屨通目中該三屨葛筋草名爲縷織屨輕疏
適夏

玄尚黑屨青絢縹純純博寸舉玄尚標此節爲縹布冠出
屨制不題冠可玄冠玄裳故黑屨所以合兩相曰絢縹臆
謂屨辨純帛爲緣

素積白屨以魁柑之縹絢縹純純博寸不題皮弁可韋弁
素積絳衣裳屨取裳色故白魁灰粉蛤屬柑浮也浮傳質

絢纁純緇辟喪履

爵弁纁履黑絢纁純純博寸 纁裳故纁履正題爵弁專服
冬皮履可也不履總履 皮堅密適冬可者可用冠猶夏葛
退此文于三履後起與夏用葛同爲冠出總履總衰布爲
履纁布皆無事者嫌凶故不履

記冠義 後師錄七十子遺說爲記釋經所略今存者有
兩戴記讀經者埒於當篇標曰冠義

始冠緇布之冠也大古冠布齊則緇之其綏也孔子曰吾
未之聞也冠而敝之可也 不齊白齊則緇古時質不以
白爲凶猶爲齊變質近誠齊者內外齊一也采絲圖成曰
綏時緇布冠有綏未聞議其非典冠而敝嘉服不敢去可

者勉從俗

適子冠於阼以著代也醮於客位加有成也三加彌尊論其志也冠而字之敬其名也 著代明當嗣父爲主加有成每加異之示成人有漸彌尊爵弁益尊論道道其志鄉高大名用自命旣冠稱字所以展敬因釋緇布冠據適說例今文無之

委貌周道也章甫殷道也毋追夏后氏之道也周弁殷毋夏收委壯貌容道義也周義取壯盛容止章明甫大殷義取明德日大毋禁詞追政治意夏后氏義取純樸不彫此釋爵弁異名弁象拱手正冠形謂周制下廣上狹毋侈謂殷制上下廣收斂謂夏制上下狹此釋爵弁異形俱由

周上湖標損益有自。

三王共皮弁素積。皮弁素積無他名形故退於爵弁下。以其在文質間三代不易。

無大夫冠禮而有其昏禮古者五十而后爵何大夫冠禮之有。禮二十而冠三十而昏大夫昏禮自古有之爲繼室制古者夏以前年五十乃得命爲大夫言而后爵則四十仕爲士不爲爵起殷周有大夫冠禮。

公侯之有冠禮也夏之末造也。舊稱公冠自爲主結玄端有司皆玄端迎賓揖讓升自阼立於席北初加緇布不易服再加皮弁三加爵弁四加玄冕皆易服皆鞞皆祝既醴降自阼饗賓三獻無介無樂酬幣朱錦采四馬其慶也。

同天子隆焉諸侯儼焉造爲也夏末亂時之制不沿唐虞之法

天子之元子猶士也天下無生而貴者也元子嫡長猶同也世子冠亦自爲主禮與士同無生而貴皆由士始言無世子冠禮

繼世以立諸侯象賢也象放也雖放象祖父賢行繼立始冠猶士則公可知言夏末公侯有冠之非禮

以官爵人德之殺也殺滅官有弟爵以資不據年齒末德之降言殷周大夫有冠之尤非禮

死而諡今也古者生無爵死無諡今記人據時時非士亦諡死者有諡所以易字表生存之德禮不下庶人非士

可得諡則非士可用士冠禮由是冒大夫冠冒公侯冠僭
之端亂之本古者謂周初士以上生有爵死乃諡道今之
悖古也

壽櫟廬

弟子傅守中校勘

第二子吳銑再校

儀禮通考卷一終

儀禮喪服卷二

壽櫟廬叢書之一

名山吳之英典

士昏禮第二篇 古者男二十冠三十娶女十五笄二十嫁
制爲士法無故不變也舊稱國君十五而冠冠而生子則
天子不過十二而有室據士立庶人法迎以昏題曰士昏
屬嘉禮大小戴記劉向別錄鄭玄目錄皆第二篇

昏禮下達納采用雁 日入三商謂之昏婦人陰也昏時往
迎因而制禮下降也先使通聘達求匹心男下女也納采
采擇凡有子皆欲得淑女爲之相聞女賢命使入采選之
禮辭則已納則成所稱皆父母之命不藉媒妁媒氏掌昏
姻違時及訟事有故乃令聞知非爲能行禮者設雁匹鳥

家有畜士所摯

主人筵於戶西西上右几 戶西禰廟室戶西廟受之者天地之道人倫之始祖考之胎非己所專主人女父筵命有司西上筵末在東几坐具右筵首儼神位

使者玄端至摯者出請事入告 使者壻家親友或吏胥請事欲知來意入告告賓請納采

主人如賓服迎於門外再拜賓不答拜揖入至於廟門揖入三揖至於階三讓主人以賓升西面 門外外門外再拜賓之不答拜奉使不敢當賓備揖讓敬使所以敬其主賓非敵故曰以升不拜至賓非爲已至西面鄉賓

賓升西階當阿東面致命主人阼階上北面再拜授于楹間

南面賓出主人降授老雁 楹隅曰阿當阿賓自卑主人不
進尊東面致命鄉主人傳納采餅北面再拜如對壻父賓
不答拜命非禮已於楹間由西楹內進授不敢辱南面辟
賓位主人進受同面賓降出禮一成家吏之長曰老降授
老雁因陪降而授老不敢升主人不出知賓禮未終

擯者出請賓執雁請問名主人許賓入授如初禮 出請爲
更尚執雁請問名又一禮請問名答擯者辭女子以字配
氏既筭稱字言名貴爲目必問者欲如所采之次歸當稱
以命筮主人許擯者以命延賓賓至西階主人乃讓升今
文阿爲庶

擯者出請賓告事畢入告出請醴賓賓禮辭許 復出請不

必賓事告事畢。銜命再致訖。出請若曰。主人使某請醴賓。許請賓就次。

主人徹几改筵。東上側尊。無醴於房中。徹几。將授賓改筵。因神筵爲賓筵。禮既臨。神醴不宜慢。東上生人位。筵末在西房東房。

主人迎賓於廟門外。揖讓如初。升主人北面再拜賓。西階上北面答拜。主人拂几授校。拜送賓以几。辟北面設於坐左之西階上答拜。揖讓不遂。簡故如初。升猶拜至。始與禮新之。西階北面就賓位答拜。主人本爲己禮。凡禮賓先有神筵者。有賓几示潔。故拂。特設故授校。几面授校。几足內鄉。舉神所依以依賓加敬焉。故拜送以几。辟方受几不得遽答。

北面設於坐達主人意不敢升設左之順筵首西階上答拜起拜送時復位古文校爲拔

贊者酌醴加角柶面葉出於房主人受醴面枋筵前西北面賓拜受醴復位主人阼階上拜送西北面儼賓就筵賓拜西階上先拜受醴進筵前復位待薦拜在後稱送者成獻意古文葉爲搗

贊者薦脯醢賓卽筵坐左執觶祭脯醢以柶祭醢三西階上北面坐啐醢建柶興坐奠觶遂拜主人答拜祭脯醢右祭西階上北面坐啐者不敢几神几因不敢席末啐遂拜因奠位賓因啐位若於賓階成醴然

賓卽筵奠於薦左降筵北面坐取脯主人辭賓降授人脯出

信禮通圖卷二十一
主人送於門外再拜 卽筵奠就醴位取脯據以報命辭孫
禮薄賓降主人從人賓從者待事西階下受脯則逆出門
外外門外

納吉用雁如納采禮 已筮得吉使告女父以兆如納采禮
主人體賓亦如之

納徵玄纁束帛儷皮如納吉禮 徵信也已納吉昏姻定當
入聘則用貨幣爲信所謂奔爲妾聘爲妻也周制帛幅二
尺二寸長四丈同布兩端對屈曰兩五匹爲束束五兩玄
三纁二備陽奇陰偶

請期用雁主人辭賓許告期如納徵禮 本告期稱請者吉
凶男女所共辟其專主人辭以壻家當爲主婦誼從夫賓

許聽辭命告期稱主人某命某請既不得命不敢不告許
乃入

期初昏陳三鼎於寢門外東方北面北上其實特豚合升去
蹠舉肺脊二祭肺二魚十有四腊一肫脾不升皆飪設局鼎
三鼎特豚一魚一腊一在寢者父子異宮夫婦當成禮
於寢獸足謂之蹠去蹠取潔豚解法肺金藏背呂謂之脊
舉肺脊二夫婦各一制可舉祭肺二標脊無祭離肺可祭
皆爲之於爨魚鱗蟲水族腊乾獸山族肫面頰獸以頭舉
髀髀卑體不升下於牲大熟曰飪古文肫爲鈞髀爲脾今
文鼎作密

設洗於阼階東南饌于房中醢醬二豆菹醢四豆兼巾之黍

稷四敦皆蓋大羹湑在饌 設洗備舉鼎者盥阼階東南洗
位豆木豆所以盛黍稷曰敦瓦器豆敦數儷設當脾合豆
宜巾敦有蓋巾辟穢蓋辟寒大羹熬水作羹不和他味食
設大羹猶飲設玄酒存古以勸儉也湑湯竈謂之饌在饌
不陳湑尚熱今文湑皆作汙

尊於室中北墉下有禁玄酒在西綌冪加勺皆南枋 尊贊
者爲夫婦酌故於室中北墉下辟禮位玄酒在西神之綌
疏布冪蓋巾言皆著玄酒亦勺

尊於房戶之東無玄酒篚在南實四爵合盞 尊贊者自酢
及餽時所酌故於房戶東東房戶也無玄酒非正尊四爵
夫婦各再醺似爵而左右流曰合盞夫婦共之故名昏時

專設之器

主人爵弁纁裳纁袖從者畢玄端乘墨車從車二乘執燭前馬婦車亦如之有祧至於門外主人謂壻袖裳緣袞加通兩旁爲誼昏時專服墨車漆車大夫所常御士之特儀從車貳車燭沃膏薪前馬燭光及後壻備婦車迎禮宜爾亦墨車示等尊惟裳謂之祧凡婦車皆有容蓋慎自衛也門外婦家外門外壻降車東面從者在其後

主人筵於戶西西上右几爲神筵凡者女辭祖而歸當承先德醴命之

女次純衣纁裙立於房中南面姆纁笄宵衣在其右女從者畢衫玄纁笄被纁黼在其後刻金華相乘周額曰次以次

男子弁冠名或稱副亦同意緣再成曰祔凡婦服聯衣裳取陰德專壹嫁衣錦質疊加纁緣謂之縗蓋褻衣褻裳嫁時麗服房中南面醴位姆長女稱婦人五十閉房不御或無子熟婦職可教人者則延之送宵闇宵衣玄衣在右宜贊女從者媵御屬被肩服繡質殺裁環合曰纁白黑相次謂之黼爲纁緣四隅有帶垂之亦特飾在其後女北南上主人玄端迎於門外西面再拜賓東面答拜主人揖入賓執雁從至於廟門揖入三揖至於階三讓主人升西面擯不當請主人成醴而出迎玄端仍醴服西面再拜不敢卑賓時賓猶未成壻故東面答拜賓執雁從不敢以從者代與長者理宜然升不拜至賓爲女至西面鄉賓竝爲戒女位

賓升北面奠雁再拜稽首降出婦從降自西階主人不降送
賓升北面不敵奠雁不敢投稽留稽首首至地少留致
敬九拜之一等尊於父主人不答拜堂上有正禮不欲參
婦從則姆右從者後云降自西階嫌可由阼主人不降送
仍升面爲母當戒諸西階上庶母當降送申命於門內

壻御婦車投綬姆辭不受婦乘以几姆加景乃驅御者代

御婦車成迎禮綬麗軫挽升之繩投綬僕御儀授姆使授
婦也辭代婦辭不受不敢受姆所稱辭姆辭壻乃贊乘以
几女子不習車馬防傾跌鑒形之器曰景鑄用金錫陰有
祝箴姆於是加識受父母命終佩爲鑑乃驅御輪三周試
車良苦慎之也御者壻家所役御婦車來者代代壻今文

景作懣

壻乘其車先俟於門外婦至主人揖婦以入及寢門揖入升自西階媵布席於奧夫入於室卽席婦尊西南面媵御沃盥交壻俟御代則乘先者男帥女也門外外門外俟俟婦車婦至降車於門西主人揖入婦始至賓之旣揖乃先升自西階爲婦道媵侍女媵布席役例先事席饌在室室西南隅謂之奧卽席從媵所布東面尊西南面鄉筵辟設御壻家奚女沃盥沃水進盥勞於路清圻濁交者媵盥夫御盥婦易役以聯胖合之情

贊者徹尊冪舉者盥出除冪舉鼎入陳於阼階南西面北上七俎從設北面載執而俟北者逆退復位於門東北面西上

贊者隸屬尊室尊將酌玄酒屬尊故徹罷既酌出奔餘
水則爲舉者盥出節西面鄉室北上者特豚鼎南魚鼎魚
南腊鼎七栖屬陳門外時七俎設當其鼎故曰從載敘載
於俎北面鄉室執各執俟俟豆設由鼎七俎曰杜逆退辟
陵襍言復位發初位門東屬主黨北面西上別主黨順室
中

贊者設醬於席前菹醢在其北俎入設於豆東魚次腊特於
俎北贊設黍於醬東稷在其東設湑於醬南 席前夫席南
其北醬北言在北實不接中少空爲祭所設南上夫東面
也豆東菹豆東魚次次俎而東腊特特俎北西直醢豆設
黍醬東北直俎稷在黍東北直魚湑在醬南將進齊婦醢

中空容會

設對醬於東菹醢在其南北上設黍於腊北其西稷設醢於
醬北御布對席贊啟會御於敦南對敦於北 對醬爲婦設
東西對故稱對於東當魚俎東菹醢在醬南亦空之直夫
稷設北上婦西面也黍於腊北間一而西稷在黍西當夫
醢豆醢在醬北與敦遙齊對席婦席夫席腠布故對席御
布於是始布辟設也蓋謂之會啟爲畢設簡御退仰之於
敦南各當敦對敦如之故北御今文啟作開古文御爲綌
贊告具揖婦卽對筵皆坐皆祭祭薦黍稷肺贊爾黍投肺有
皆食以清醬皆祭舉食舉也三飯卒食 告具告主人饌具
婦立尊西故夫揖卽筵皆祭各祭豆間薦謂立黍稷謂敦

肺謂俎贊各取祭以敘授爾近之爾黍唯食貴穀授肺謂
臠肺授脊兼祭臠皆食以漬醬者食以醬既飯以漬舉謂
贊所授脊外體之正終以成祭肺又內體最上食謂臠之
合外內貴體可姦全牲舉以終食因名曰舉古掬飯而食
每掬爲一飯三飯卒食無取厭飫成禮而止古文爾黍作
爾稷

贊洗爵酌醕主人主人拜受贊戶內北面答拜醕婦亦如之
皆祭贊以肝從皆振祭臠肝皆實於菹豆卒爵皆拜贊答拜
再醕如初無從三醕用盞亦如之卒食而飲曰醕引也道
食不令雍也贊洗爵酌取爵外篚降洗升酌於室主人拜
受東面贊北面答拜亦就其位醕婦婦拜受西面皆祭不

以醢輕廢禮肝木藏從從爵盛醢儀肝皆切振動離之宜
祭噴實於菹豆非俎所載從謂肝無從再醢可簡三醢用
醢情以漸而親

贊洗爵酌於戶外尊入戶西北面奠爵拜皆答拜坐祭卒爵
拜皆答拜興主人出婦復位贊佐筵事宜得酌主人不得
與之禮故自酌亦洗爵標不相因酌戶外尊不敢參酌室
尊戶西北面奠拜標因正禮得爵皆答拜各於位成其儀
興謂主人贊者辟先出奠爵俟主人出將說服婦復位尊
西南面

乃徹於房中如設於室尊否徹贊與執俎者徹室饌入房
設爲腍御餞如於室亦南上北上尊否者不妨在事房戶

東有尊

主人說服於房。媵受婦說服於室。御受姆授巾。御衽於奧。媵衽良席在東。皆有枕。北趾。主人入。親說婦之纓。燭出。說解不同。說於室。示有別。媵御易受。亦搆合意。巾。帨。姆始授。示當自潔。以事君子。衽。臥席。於奧。當牖。良。善。尊。主人良之。標御衽者。婦席在東。接奧席。東與食筵。易位。略賓主而辨陰陽也。枕藉首器。皆有辟褻。趾。足。北趾。皆南首。達陽氣也。纓。次飾。親說。明繫屬於己。以爲結歡之符。燭出。媵御主徹。室爲寢節。房爲餼節。今文說皆作稅。趾。作止。

媵餼主人之餘。御餼婦餘。贊酌外尊。醕之。食餘饌曰餼。媵亦事主人。御亦事主婦。故易位而餼。外尊。餼正尊。贊酌醕。

者。媵初來，當爲之禮。因及御終餞事，各一醺，不祭。

媵侍於戶外，呼則聞。外稱侍，注聽於內，不令御侍。媵有與御之道於初昏，示禮曰：「戶外。」標在堂曰：「呼則聞。」標遠室，夜深不呼，乃寢。寢戶以內，夫婦之私，婢妾不令狎近焉。所以嚴上下之分，杜瀆亂之端也。今文侍作待。

夙興，婦沐浴，纁笄宵衣，以俟見質。明贊見婦於舅姑席於阼。舅卽席，席於房外南面。姑卽席。婦當豫事故。夙興，詰旦見舅姑。既親夫，乃得展親於夫父母。纁笄宵衣服，禮服易昏服。沐面浴體，在寢自潔齊，洗與服。媵御贊俟，俟舅姑興，見於寢質。明禮事用所贊見。因贊初見尊者，不敢質，不因夫。夫尊，席贊所布。阼家長位，房外南面，退於舅。皆卽席得。

自升婦無掛禮古文舅皆作答。

婦執笄棗栗自門入升自西階進拜奠於席舅坐撫之興答拜婦還又拜。笄竹器小者婦摯棗栗服脩皆取名自飭棗栗摯舅果實外物天所成進拜一拜東面席舅席坐撫若親受然既撫有司進徹之答拜再拜還少退又拜一拜屬前爲褒拜。

降階受笄服脩升進北面拜奠於席姑坐舉以興拜授人降階受媵執入以待陳肉斷局曰服新肉腴條曰脩服脩摯姑中饋物人所制北面鄉姑拜再拜舉以興不敢同舅之撫拜坐奠遂再拜授人興授御受以入婦還不拜婦人相爲亦奇拜。

贊醴婦席於戶牖間側尊無醴於房中婦疑立於席西 贊醴婦因婦未及饋尊者不爲先施則贊主之戶牖間賓位疑疑不得辭讓故疑立。

贊者酌醴加枳面枋出房席前北面婦東面拜受贊西階上北面拜送婦又拜 面枋不轉授東面拜舅姑在東贊西階北面拜送非所當主婦又拜進受後反拜位。

薦脯醢婦升席左執觶右祭脯醢以枳祭醴三降席東面坐啐醴建枳興拜贊答拜婦又拜奠於薦東北面坐取脯降出授人於門外舅姑入於室 婦升席待薦自升不容贊揖降席東面坐仍鄉舅姑爲位啐醴疑因拜位成醴建枳爲啐標奠升筵奠北面坐降筵右還取脯將寄報父母證得醴。

降自西階人婦黨送者先待門外故出授醴畢而后舅姑入室起贊爲代禮舅姑爲觀禮

婦盥饋特豚合升側載無魚腊無稷竝南上其他如取女禮婦贊成祭卒食一醕無從稱盥表潔稱饋婦職中饋以爲養也見於堂始依摯饋於室議酒食漸事也側載左胖南右胖北無魚腊減陪俎無稷減陪敦竝南上者舅姑位皆西舅南姑北俎設於中南北斷設姑饌順南其他祭臠飯醕及拜節如取女禮舅姑亦相耦爲儀贊佐婦贊成祭先舅後姑一醕無從帥常禮古文竝作併今文無成

席於北墉下婦徹設席前如初西上婦餞舅辭易醬婦餞姑之饌御贊祭豆黍肺舉肺脊乃食卒姑醕之婦拜受姑拜送

坐祭卒爵姑受奠之。席別席如初。斷設西上舅姑在西。婦南面。猶侍也。婦餽先西。不得不餽舅餘。故舅辭易醬。易姑醬。辟褻。示加禮。卽饋張法。後餽知所簡也。豆黍肺。贊祭次。猶祭豫有制。示所尊。肺脊亦御。舉授乃食。先舉後食。姑內主餽。又姑饌。故醢坐祭。敬姑醢。姑奠於外篚。

婦徹於房中。媵御餽姑醢之。雖無娣媵。先於是與始飯之。錯婦主徹。媵御再餽婦餘。皆於始至見法。姑猶醢。初示媵禮。終餽事。古媵法從娣。姪先。謂西位有娣媵。先娣媵貴也。雖無姪媵。猶先御。妾貴於僕也。錯對始飯。媵御始餽之飯。言於是起房中。設與昏時餽設同。與婦餽北墉席異。古文始爲姑。

舅姑共饗婦以一獻之禮舅洗於南洗姑洗于北洗奠酬舅姑先降自西階婦降自阼階歸婦俎於婦氏人饗飲禮用酒變於醴一獻減饗節凡家庭爲禮不過一獻辟文從質南洗在庭北洗在房舅獻而姑薦也奠酬者奠酬酒而不舉不敢旅嫌比賓起婦固得酢也婦更爵酢舅則亦酢姑皆當自薦先降讓婦令左婦降阼不與舅姑同降易階明有代主義既降南面俟舅出姑適東壁乃出闥門俎盛饌婦不當自徹以出歸使人致之婦氏人來送者亦欲其執以反命

舅饗送者以一獻之禮酬以束錦勞當醴饗爲盈仍從一獻非正饗裏色織文曰錦格下于帛凡勞酒酬用侑幣申

儀禮集說卷二
三
儋意古文錦皆爲帛。

姑饗婦人送者酬以束錦 送兼男婦各有宜職婦人婦兄弟之妻妾若僕婦舅饗于堂則姑饗于房亦一獻有酢若異邦則贈丈夫送者以束錦 酬幣外申贈以道遠無費加勞焉不言婦人不當有越竟事。

若舅姑既沒則婦入三月乃奠菜 禮以三十取有子而取則父母近老昏雖以贊見爲正當以奠菜爲豫遲三月觀婦道寬其期知以前可行事也姑在者請朝見姑盥饋如初仍越日奠菜見舅菜時蔬三月時物變可采薦期近者或未得薦新則制用蘋藻。

席於廟奧東面右几席於北方南面 廟福廟東面右几舅

姑合神北方南面北墻下，佹盥饋時婦餞席，虛設之，達神意，蓋兼取贊見盥饋爲儀，不多取者，嫌同正祭，則夫當主婦佐之，非廟見專禮。

祝盥婦盥於門外，婦執筭菜，祝帥婦以入，祝告稱婦之姓曰：某氏來，婦敢奠嘉菜於皇舅某子。婦拜，扱地坐，奠菜於几東。席上還，又拜如初。以祝易贊，祝主接神，祝盥先，潔事神。婦盥後，祝門外，廟門外，直東塾，起先設洗位，婦執筭菜還受。自媵，祝帥入，升自西階，入室西面，祝在右，稱姓，不敢字，嫌祝辭某當伯仲。嘉菜取休稱，皇遠大意子，男子美稱，扱收扱地，頭至地，斂鄉內坐，興進坐，奠几東席上，少南還，左還復位。

婦降堂取筭菜入祝曰某氏來婦敢告於皇姑某氏奠菜於
席如初禮婦出祝闔牖戶降堂取筭菜媵執待西階下仍
稱某氏尊同舅言敢告神與聞奠舅菜辭姑某姓舉如初
禮亦衰拜不言面位西面可知若北席爲姑當几再入奠
拜當北面今如初禮知後奠少北於前奠依生時盥饋位
事死矣婦出戶東西面祝闔牖戶無徹事神居靜謐祝出
則老請醴婦入房

老醴婦於房中南面如舅姑醴婦之禮家老及事老主人
老主婦原神意醴之房中廟東房中變戶牖間位辟室之
神南面內主正位在房無賓婦者見時本贊醴婦云舅姑
者贊承舅姑意也卒醴婦亦取脯出授人告成婦

壻饗婦送者丈夫婦人如舅姑饗禮 壻於是始饗廟見乃成婦也兼言婦人謂母沒則代饗起丈夫婦人留者待奠菜乃復命然則舅姑饗送者以成禮反命耳成婦猶待祭行也

記士昏禮凡行事必用昏昕受諸禰廟辭無不腆無辱摯不用死皮帛必可制腊必用鮮魚用鮓必有全 昕明五禮與摯見奠菜用昕親迎用昏腆雅辱羞俱有嫌非名摯雁不用死生爲吉制裁腊膳用鮮防敗鮓謂之鮓肴猶體必全腊膳不升

女子許嫁笄而醴之稱字祖廟未毀教於公宮三月若祖廟已毀則教於宗室 許嫁可以許女子七歲齔齒一七

而經脈通陰氣闔動可以承化及時事也筭體字比男子冠節母爲主姆執其禮有故不得許嫁者二十筭別子爲祖教犬宗主婦尸之公宮廟堂三月有祭焉得覘禮毀者親盡遷廟宗室小宗寢

問名主人受雁還西面對賓受命乃降對稱字受命還當阿東面賓降主人降

祭體始扱一祭又扱再祭賓右取脯左奉之乃歸執以反命再祭三而成舉祭體例右取左奉兼執爲恭執脯反命五禮所同

納徵執皮攝之內文兼執足左首隨入西上參分庭一在南賓致命釋外足見文主人受幣士受皮者自東出於後

自左受遂坐攝皮逆退適東壁執皮賓從人聶合曰攝
文毛理內文不先外露兼執足手各兩足左首首鄉堂隨
入乘皮次隨賓參三二在南北居二貨雖當賓庭仍不敢
入深輕財所以重禮賓致命則進授幣故爲釋外足節上
爲外皮右也受幣楹間南面爲受皮節自東待事位後執
皮者南折而北出其西故受自左遂坐因受北面攝皮如
執入之攝逆退東受者先據設時西上稱逆東壁通內府
藏所在適以告則納之

父醴女而俟迎者母南面於房外女出於母左父西面戒
之必有正焉若衣若笄母戒諸西階上不降父醴女在
筵神後醴於房中以涉陰事陰教沒其文母南面房外當

賓降時女出母左就隱位父西面因肅賓位正質也若衣若笄猶視諸衣視諸笄舉尊服志不忘戒西階上因送位不降亦尊

婦乘以几從者二人坐持几相對從者媵屬坐持一左一右相對虛其閒

婦入寢門贊者徹尊冪酌玄酒三屬於尊乘餘水於堂下階間加勺酌玄酒示帥古屬和三屬禮小成尊東甒承勺以槃酌有滲入者不當反西尊故出棄階間必酌屬用陽調陰意加勺起猶冪

笄緇被纁裏加於橋舅答拜宰徹笄被表裏氏也笄上橫笄謂之橋加之辟汚因爲文見時言舅坐撫故箸徹節

婦席薦饌於房 謂醴饗席薦房東房

饗婦姑薦焉 舅獻事叨嫌贊得助薦

婦洗在北堂直室東隅 篚在東北面盥 謂盥饋時北堂
房北直室東隅 西半稍北 辟東南饌位 篚在東洗西無餘
位 北面盥順洗

婦酢舅更爵自薦不敢辭洗舅降則辟於房不敢拜洗

錯舉饗節婦酢舅當酢姑更爵不襲己爵起酢姑得因舅
爵自薦不敢用脰爲姑薦己起舅與姑有席如贊見席不
敢辭洗未降辟房代降不敢拜洗煩尊者答

凡婦人相饗無降 姑饗婦人送者於房洗篚俱在舉通
例斷無堂下禮

婦入三月然後祭行 祭正祭然後爲三月遲起釋菜近時祭若失婦禮而出則不待祭行

庶婦則使人醮之婦不饋 舉庶婦起禮據冢婦人亦贊者醮獻如醴爲庶婦革名則易其詞謂摯見後舅姑遂入室婦不饋辟適舅姑亦不饗

昏辭曰吾子有惠賜室某也某有先人之禮使某也請納采對曰某之子蠢愚又弗能教吾子命之某不敢辭致命曰敢納采 昏辭通目實使者初至門外辭吾子謂女父惠恩有假有之貺賜男以女爲室某壻名某壻父名稱先人禮舉先德相接敬事也某使者名尙未入故請對曰擯出答辭某主人辭爲拒禮弗克納則使者退稱不敢許

之致命當阿東面時已入故稱敢今文作不教。

問名曰某既受命將加諸卜敢請文爲誰氏對曰吾子有命且以備數而擇之某不敢辭曰答擯請事辭某壻父名加諸卜合二姓好繼先祖嗣慎之誰何猶云伯仲叔季當居何次字在氏上也對曰擯出答辭有命有傳命猶納采云命之也備數充媵御數致命曰敢問名對曰子某氏醴曰子爲事故至于某之室某有先人之禮請醴從者對曰某既得將事矣敢辭先人之禮敢固以請某辭不得命敢不從也稱爲事故不當據請昏不得斥奉使隱其辭醴從者嫌褻賓敢辭禮辭再稱先人禮歸卜未敢必古道不容廢再請再答沒曰文據辭意可知古文于爲於。

納吉曰吾子有貺命某加諸卜占曰吉使某也敢告對曰
某之子不教唯恐弗堪子有吉我與在某不敢辭 曰告
擯辭某壻父名對曰擯出告辭某主人名字意目壻父我
與在得共之成親辭幸子今堪當神意也致命曰敢納吉
若不吉使告女父納采於異族古文與爲豫

納徵曰吾子有嘉命貺室某也某有先人之禮儷皮束帛
使某也請納徵致命曰某敢納徵對曰吾子順先典貺某
重禮某不敢辭敢不承命 曰告擯辭直斥儷皮束帛以
爲徵擯無出告辭約如答致命辭錯出以相起致命稱某
亦壻父名吾子曰壻父順先典有男女則有夫婦則昏姻
禮行國爲通典家爲私典順之吉某女父自名重禮昏事

成於納徵。

請期曰：吾子有賜命。某既申受命矣。唯是三族之不虞。使某也。請吉日。對曰：某既前受命矣。唯命是聽。曰：某命某聽命於吾子。對曰：某固唯命是聽。使者曰：某使某受命。吾子不許。某敢不告期。曰：某日。對曰：某敢不敬須。申受命。知既許。三族父族母族妻族。猶測壻父爲子計。三族慮有病喪妨姻好。未敢質。曰：不虞。前已受命。今不特專。再請再辭。許告期。皆門外辭。曰：致命辭。某日。日辰名。須臾。

凡使者歸反。命曰：某既得將事矣。敢以禮告主人。曰：聞命矣。禮六而使五。於此綜出反命辭禮。謂所執脯命。女父命。

父醮子命之曰往迎爾相承我宗事舅帥以敬先妣之嗣
若則有常子曰諾唯恐弗堪不敢忘命 醮在廟及昏行
事有神筵醮於房外南面父阼階上西面命之相襄婦襄
內政宗事祀事舅敦師帥婦先妣子祖母死曰妣比合於
夫嗣繼孫婦祔祖姑故嗣若順則法弗堪先德重既奠爵
取脯降西階適東壁告母出外門就車

賓至摯者請對曰吾子命某以茲初昏使某將請承命對
曰某固敬具以須 賓壻猶請辟不識吾子稱女父某壻
父字以茲初昏本請女父爲期某壻自名將迎承命聽女
父命某女父名

父送女命之曰戒之敬之夙夜毋違命 命舅姑命父命

以事舅姑古文毋爲無。

母施衿結帨曰勉之敬之夙夜無違宮事衿衽帨佩巾施引之結固之爲之整所謂正衿帨降於衣笄宮事寢事母命以事夫。

庶母及門內施鞶申之以父母之命命之曰敬恭聽宗爾父母之言夙夜無愆視諸衿鞶鞶佩帶女鞶絲又略於衿帨庶母不專命申父母命爲命宗尊愆遺衿鞶猶結鞶視爲正今文視作示。

壻授綬姆辭曰未教不足與爲禮也姆在女右代女辭宗子無父母命之親皆沒己躬命之命命使躬命不稱諸父諸兄宗子尊。

支子則稱其宗弟稱其兄 支子族庶人無父母者宗大宗弟母弟庶弟稱兄兄爲宗謂使者致辭

若不親迎則婦入三月然後壻見曰某以得爲外昏姻請覲主人對曰某以得爲外昏姻之數某之子未得濯漑於祭祀是以未敢見今吾子辱請吾子之就宮某將走見

若不親迎謂有故或孤子當室三月然後壻見明在食菜後起親迎見舅者續可見姑昏壻家姻女家外猶壻覲見告擯辭主人對傳命出對數齒數子謂女濯絲漑濯謂洗滌祭器據前未廟見時辱來辱昏辭無辱請覲時則已成婦

對曰某以非他故不足以辱命請終賜見對曰某以得爲

外昏姻之故不敢固辭敢不從 非他故爲成外昏姻命
就宮命終竟言之不敢固辭壻有見外舅理今文無終賜
無外

主人出門左西面壻入門東面奠摯再拜出 出門出寢
門不拜揖先入子已成婦壻非純賓東面入門左鄉舅如
外位奠摯不敢投奠門西再拜凝成見出主人待

擯者以摯出請受壻禮辭許受摯入主人再拜受壻再拜
送出 請受請禮受受摯入少東主人再拜壻右還辟主
人受壻進投再拜送俛皆成拜申敬出主人入

見主婦主婦闔扉立於其內壻立於門外東面主婦一拜
壻答再拜主婦又拜壻出 主婦壻外姑有見理故請見

御許擯者出告主婦出屏寢門扇謂之闔降堂見故闔示無門外事不摯已摯外舅禮統於主人主婦一拜標先拜未成壻答再拜壻成拜主婦又拜又一拜箸衰拜法壻出覲外姑畢主人不出

主人請醴及揖讓入醴以一獻之禮主婦薦奠酬無幣主婦還入房而寢門闔擯請醴賓許入告主人迎及降及不敵主婦薦不使贊異他賓比舅姑饗婦親親之誼無幣不藉貨財爲交結明情愛之已厚也

壻出主人送再拜自請覲至出通稱壻室其女事所生有主道無全賓成送拜終以禮不還摯亦不復見以摯